

### ԺԸ. ՓՈՐՁՈՒԹԻՒՆ

Երեկոյեան մուրը պատել էր արդէն, երբ ես եւ Ասլանը ձի նստելով դիմեցինք դէպի առաջնորդարանը: Ճանապարհին հարցրի Ասլանից.

– Ի՞նչ ես կարծում, առաջնորդին յայտնի՞ կը լինի մատնութիւնը:

– Անտարակոյս, – պատասխանեց նա: – Անկարելի է, որ փաշան այդ մասին նրա հետ խորհուրդ արած չլինի:

– Ուրեմն տիկնոջ զուշացնելը իզուր չէր:

– Բոլորովին իզուր էր:

– Ինչո՞ւ: Առաջնորդը մեծ յօժարութեամբ իր սեղանի վրայ կալանաւորել կը տայ քեզ, եթէ ստուգէ, որ դու ես նկարագրոած անձը:

– Նա այդ կանէ, բայց ստուգելը դժոհար է:

Տեսնելով Ասլանի անձնավստահութիւնը, ես լռեցի: Նա ինձ պատողութեց.

– Դու այստեղի սովորութեան համեմատ կը կանգնես դռան մօտ, ներսի կողմից. աշխատիր ոչ մի բառ չփախցնել քո լսողութիւնից, ինչ որ կը խօսի այնտեղ:

Մի խումբ ծառաներ կանգնած էին առաջնորդարանի դռանը՝ հիւրերին ընդունելու եւ նրանց ձիաները բռնելու համար: Մեզ եւս ամէն քաղաքավարութեամբ ներս տարան: Մենք սպասում էինք հանդիպել մի համեստ ընթրիքի, որպիսին վայել էր մի կրօնաւորի, բայց գտանք ընդհակառակը: Դահլիճներից մէկը փառաւոր կերպով զարդարոած էր. լուսաւորութիւնը աչք էր շլացնում. ես առաջին անգամն էի տեսնում այսպիսի ճոխութիւն: Դահլիճի պատռաւոր ճակատում, թանկագին թաւիշեայ օթոցի վրայ, որ տարածել էին պարսկական գեղեցիկ գորգի երեսին, բազմած էր նորին սրբազնութիւնը: Նրա աջ կողմը բռնել էր փաշան, իսկ ձախ կողմը՝ մի նշանաւոր քուրդ բէկ: Նա այն գիշեր հագած ուներ ծիրանեգոյն փարաջայ, իսկ կուրծքի վրայ շողշողում էր այլմաստներով զարդարոած օսմանեան շքանշանը: Ինձ յայտնի էր, ես Պարսկաստանում շատ անգամ էի տեսել, երբ երկրի կառավարիչը մարդիկ է մորթել տալիս, նա այնօր սովորաբար հագնում է արունագոյն զգեստ: Այդ ինձ մտածել տոեց, թէ նորին սրբազնութիւնը գուցէ նրա համար է հագել ծիրանագոյն փարաջան, որովհետեւ առաջնորդարանում այնօր կատարուել էր գիւղացի կնոջ նշանաւոր դատաստանը: Բայց այդ պէտք էր մի պատահական հակադիպութիւն համարել: